

四庫全書

子部

欽定四庫全書

子部
氏族博攷卷一至四

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣潘奕雋

謄錄監生臣陳山焜

欽定四庫全書

氏族博攷卷一

明凌迪知撰

姓氏

總論

舜典曰別生分類生姓也別其姓氏分其族類

夏書曰錫土姓以新生之土賜之為姓

傳曰若夫保姓受氏以守宗祊世不絕祀無國無之

傳曰姓者生也以此為祖令之相生雖下及百世而此姓不改族者屬也與其子孫共相連屬其旁支別屬則各自為氏

史記注曰天子賜姓命氏諸侯命族族者氏之別名也姓者所以統繫百世使不相別也氏者所以別子孫之所出故世本之篇言姓則在上言氏則在下也

說文曰姓人所生也古之神聖神母感天而生子故稱天子因生以從女女生亦聲也

白虎通曰人所以有姓者何所以崇恩愛厚親親遠禽獸別婚姻也故紀世別類使生相愛死相哀同姓不得相娶皆為重人倫也姓者生也人稟天氣所以生者也詩云天生烝民尚書曰平章百姓姓所以有百者何以為古者聖人吹律定姓以記其族人各五常而生正聲有五宮商角徵羽轉而相襍五五二十五轉生四時異氣殊音悉備故姓有百也所以有氏者何所以貴功德下伎力或氏其官或氏其事聞其氏即可知矣所以勉人

為善也或云王父字者何所以別諸侯之後為興滅國
繼絕世也王者之子稱王子王者之孫稱王孫諸侯之
子稱公子公子之子稱公孫公孫之子各以其王父字
為氏故春秋有王子瑕論語王孫賈又有衛公子荆公
孫朝魯有仲氏孟氏叔氏季氏楚有昭屈景氏齊有
高國崔盧氏以知其子孫也王者之子亦稱王子兄弟
立而皆封也或曰王者之孫亦稱王孫刑德放曰堯知
命表稷契賜姓于姬皐陶典刑不表姓言天任德遠刑

禹姓姁祖昌意以蕙苴生殷姓子氏祖以玄鳥子生也
周姓姬氏祖以履大人跡生也

風俗通曰萬類之中惟人為貴春秋左氏傳官有世功即
有官族邑亦如之公羊譏衛滅邢論語貶昭公娶於吳誤同
姓也蓋姓有九或氏於號或氏於謚或氏於爵或氏於國
或氏於官或氏於字或氏於居或氏於事或氏於職以號唐
虞夏殷也以謚戴武宣穆也以爵王公侯伯也以國曹魯宋
衛也以官司馬司徒司寇司空司成也以字伯仲叔季也以居

城國園池也以事巫卜陶丘也以職三馬五鹿青牛馬也
自族別而為姓姓別而為望望別而為房故姓多則訛
其族望多則訛其姓房多則訛其望必然之理也今夫
劉氏一族自堯陶唐氏至秦為劉氏而其姓有六媯氏
一族自舜別為姚氏至齊王建之子別為王氏而其姓
有四若是則姓多而訛其族杜氏一姓自枝伯之沒為
杜城杜氏王赫子威之沒為濮陽杜氏一姓而五望張
氏一族自常山王耳之沒為河間張氏至唐相亮為鄭

州張氏一姓而十望若是則望而訛其姓清河崔氏一望而三房博陵崔氏一望而四房趙郡李氏一望而六房隴西李氏一望而四房若是則房多而訛其望

凡姓族異者所以別異人也猶乃物皆名有名以相分別天子賜姓賜氏諸侯但賜氏不得賜姓杜預云舜生嫡汭賜姓曰嫡封舜之後于陳以所封之土命為氏舜後姓嫡為氏曰陳故鄭驥異義云炎帝姓姜大皞之所賜也黃帝姓姬炎帝之所賜也故堯賜伯夷姓曰姜賜

禹姓曰姒賜契姓曰子賜稷姓曰姬是天子賜姓也諸侯賜卿大夫以氏若同姓公之子曰公子公子之子曰公孫公孫之子其親已遠不得上連于公故以王父字為氏若適夫人之子則以五十字伯仲為氏若魯之仲孫季孫是也若子庶妾子則以二十字為氏則展氏臧氏是也若男姓則以父祖官及所食之邑為氏以官為氏者則司馬司成是也以邑為氏者若韓魏趙是也凡賜氏族者此為卿乃賜有大功德者生賜以族若叔孫

得臣是也雖公子之身若有大功德則以公子之賜為族若仲遂是也其無功德死後迺賜族若無駭是也若子孫不為卿其君不賜族子孫自以王父字為族也

雜編

宋朝先正嚴於姓氏之別如希文少依母氏冒朱姓已稱朱學究也既長知其世家泣從范氏其視滕公隨外家而姓孫所見遠矣武襄遠祖狄梁公已有諱身可驗也公以一時遭際不敢浼梁公之後其視郭崇韜哭子儀之墓所得多矣若夫司馬之呼聳聞大遼小范之稱驚

動西夏則知姓氏以人物而紫子厚無行有玷卽公京
下憊人借名端明則知姓氏以人而辱或榮或辱皆由
乎人彼區區冒姓亦何益哉

自隋唐而上官有簿狀家有譜系官之選舉必由於簿
狀家之婚姻必由於譜系歷代並有圖譜局置卽令史
以掌之仍用博通古文之儒知撰譜事凡百官族姓之
有家狀者則上之官為考定詳實藏於祕閣副在左戶
若私書有濫則糾之以官籍官籍不及則稽之以私書

此近古之制以繩天下使貴有常尊賤有等威者也所以國尚譜系之學家藏譜系之書自五季以來取士不問家世婚姻不問閥閱故其書散佚而其學不傳三代之前姓氏分而為二男子稱氏婦人稱姓氏所以別貴賤貴者有氏賤者有名無氏今南方諸蠻此道猶存古之諸侯詛辭多曰墜命亡氏踣其國家以明亡氏則與奪爵失國同可知其為賤也故姓可呼為氏氏不可呼為姓姓所以別婚姻故有同姓異姓庶姓之別氏同姓

不同者婚姻可通三代之後姓氏合而為一皆所以別
婚姻而以地望明貴賤於文女生為姓故姓之家多從
女如姬姜嬴姁媯姑妘姻姶姪嫪之類是也所以為婦
人之稱如伯姬季姬孟姜之類竝稱姓也奈何司馬子
長劉知幾謂周公為姬旦文王為伯乎三代之時無此
語也良由三代之後姓氏合而為一雖子長知幾二良

史猶昧於此

通志氏
族序

按左氏之書子長之史記其載諸國姓氏與夫世裔皆

有可疑者春秋之時諸侯之國凡一百十五可以知其
姓與爵者四十有六晉楚之類是也可以知其姓而不
可以知其爵者一十有八焦陽之類是也可以知其爵
而不可以知其姓者一十有七沈之類是也其爵其姓
皆不可得而知者三十有三鮮魚陸渾之類是也不知
其姓不可得而見之矣而知其姓者又不可究信如以
趙為芊姓而子長又以為姬姓以邠姓鄆國為重黎之
後又以為吳國之後此其言異同固不足論至於姜氏

為伯夷之後又以為四岳之後是其言自相異同也舜
之咨四岳有能典朕三禮僉曰伯夷若以四岳為伯夷
則是唐薦其才也豈其然乎此左氏之言姓氏所以為
可疑也子長之史記始于黃帝迄于漢武天子世次見
於帝紀諸侯世次見于世家夏之後則為杞商之後則
為宋以其世家本紀併而攷之則其苗裔歷歷而可考
至於滕薛邾邾之屬雖其事見於春秋而其世次之不
傳者又不可盡信堯乃舜之從高祖而舜乃妻其女鯀

乃舜五世從叔公與舜同為堯臣湯與王季同世也湯
下傳十六世而為紂王季傳一世而為文王二世而
為武王則是文王以十五世祖而臣事十五世孫紂
武王以十四世祖而伐十四世孫紂而代之必不然
矣此子長之謂世次所以為可疑也大抵去古既遠
抱舛承訛無所取正左氏猶然況子長乎子長猶然
況班固以下乎左氏以嬴姓為伯翳之後班固又以
為伯益之後韋昭遂以為伯益即伯翳也孔穎達

復以伯益為皋陶之子按史記之文皋陶之後封蓼六
伯翳之後封秦垂伯益之後不知所封是則伯益伯
翳皋陶各為一族翳與益不得為一人而益不得為皋

陶子矣

雜編

周禮小史莫世繫辨昭穆左傳衆仲曰天子建德因生
以賜姓祚之土而命之氏諸侯以字為氏因以為族官
有世功則有官族邑亦如之禮書曰姓非天子不可以
賜而氏非諸侯不可以命姓所以繫百世之正統氏所

以別子孫之旁出族則以氏之所聚而已然氏謂之姓故大傳言繫之以姓又言庶姓別於上則氏與姓一也氏有謂之族故羽父為無駭諸侯隱公命以為展氏則氏族一也蓋別姓則為氏氏則有族族無不同氏氏有不同族故八元八凱出於高陽氏高辛氏而謂之十六族是氏有不同族也商氏條氏徐氏之類謂之六族陶氏施氏之類謂之七族摯氏謂之戴族向氏謂之威族是族無不同氏也

又襄四年曰穆叔如晉范宣子逆之問焉曰古人有言
曰死而不朽何謂穆叔未對宣子曰昔句之祖自虞以
上為陶唐氏在夏為御龍氏在商為豕韋氏在周為唐杜
氏晉主夏盟為范氏其是之謂乎穆叔曰以豹所聞此
之謂世祿非不朽也

太平御覽

三代之時曰姓者統其祖考之所自出者也百世而不
變者也曰氏者別其子孫之所自分者也數世而一變
者也天子建德因生以賜姓其得姓雖一而子孫別而

為氏者不勝其多焉有以王父之字為氏者矣有以先世之謚為氏者矣有以所居之官為氏者矣有以始封之邑為氏者矣枝分派別千塗萬轍初若參錯紛亂而難考及徐而視之有綱有條猶指諸掌焉孟仲季臧東門子叔同出於魯也游國封印公父伯張同出於鄭也向華蕩樂鱗魚仲老同出於宋也樂高崔國叔仲東郭同出於齊也尋其流可以知其源尋其葉可以知其根抑何易耶自秦漢以來氏族之制出于上之所賜下之所

更者絕無而僅有至於世守一氏傳千餘年而不變者天下皆是也其變非若古之屢其列非若古之多可謂簡而易知者矣然人罕有能辨氏族之源者王之氏一也吾不知出於元城之王耶宜春之王耶邛城之王耶劉之氏一也吾不知出於陶唐之劉耶奉春之劉耶元海之劉耶其能明辨而不惑者鮮矣氏之馬者未必能辨其為馬服之馬及馬矢之馬也氏之石者未必能辨其周衛之石及後趙之石也古之氏族繁而知之者反

多今之氏族簡而知之者反少蓋由譜牒之明與廢而已以是知譜牒之學不可不講也

問姓氏如何分別曰姓是大總腦處氏是後來次第分別處如魯本姬姓其後有孟氏季氏同為姬姓而氏有不同某嘗言天子因生以賜姓諸侯以字為謚因以為族竊恐謚本氏字先儒隨他錯處解將去義理不通且如舜生於媯汭武王遂賜陳胡公滿為媯姓此即因生以賜姓如鄭之國氏本子國之後駟氏本子駟之後如

此之類所謂以字為氏因為族

事文類聚

前漢去古未遠風俗質略故太上皇無名母媼無姓然唐宰相世繫表叙劉氏所出云晉士會適秦歸晉有子留於秦自為劉氏秦滅魏徙大梁生清徙沛生仁號豐公生端字執嘉生四子伯仲邦交邦漢高祖也高祖之父漢史不載而其名唐史乃載之亦可一笑

白孔六帖

武后嘗問張說曰諸儒言氏族皆本炎黃之裔則上古無乃無姓乎說曰古未有姓若夷狄然自炎帝之姜黃

帝之姬始因所生地而為之姓其後天子建德因生以賜姓黃帝二十五子而得姓者十四德同者姓同德異者姓殊其後或以官或以國或以王父之字始為賜以久乃為姓唐虞抵戰國姓族漸廣周衰列國既滅其民各以舊國為之氏下及兩漢人皆有姓故姓之以國者韓陳許鄭魯衛趙魏為多后曰善近世乃有五姓謂宮也商也角也徵也羽也以為天下萬物悉配屬之以處吉凶然言皆不類如張王為商武庚為羽是以音相諧

附至柳官官趙為角則又不然其間一姓而兩屬復姓
數字不得所歸是直野人巫師說爾

白孔
六帖

氏族之譌久矣凡蔣邢茅胙祭周公之肩也此三者實
一姓也自分為三派寢遠寢忘則為三姓矣退之所謂
徐與秦俱出韓與何同姓之類是也揚子雲于蜀無他
揚今此揚姓不復見亦皆襍于楊矣錢鏐有吳越吳越
之人避其諱以劉去偏旁而為金王審知據閩閩人避
其諱以沈去水而為尤二姓實一姓也今之稱複姓者

皆從省文如司馬則曰馬諸葛則曰葛歐陽則曰歐鮮
于則曰于如此之類甚多相承不已復姓又將混于單
姓矣唐永貞元年十二月淳于姓改為于以音與憲宗
名同也至今二于無復可辨如豆盧蓋唐大族欽望瑒
革皆嘗為相而此姓今不復見其殆混于盧耶

類苑

夫氏姓之著人倫之所繇叙風俗之所繇篤亦政教之
甚急也而世或忽之使不明焉然則俗之澆惡豈惟民
之罪哉古者司商以協民姓民庶之家無妄改也後世

官歷之書反著天老乞姓之文此何為耶若是而欲氏族之不亂不可得矣武為蝮揚為梟蕭為蛸孫為厲此惡號也亦必有繇焉王為可頻李為徒何楊為普陋如而蔡為大利稽此夷語也然而猶可稽也奈何氏姓之書不知其繇乃復妄為之說如以雙姓為出蒙雙奇姓為出伯奇愚出愚公度出度支軍本冠軍皇本三皇兒因語兒終因六終春則自於春申有則自於有巢居本於先且居西本於西門豹謂為匠麗之變謂冷為伶倫

之訛芻因於牛哀之食芻茲因於才子之宣茲審出於
面勢之審曲此何典故又若以童為出老童而洪出於
共工箕出於商紂伊繇唐堯昌繇昌意累出累祖聃出
於聃叔季載而卑本於卑耳之國其妄繆可勝槩邪上
世書必同文而後世儒流視為小伎漫不之習無惑乎
氏姓之失其統也且以山名非必從山鳥名非必從鳥
草木之名豈皆傍施草木虫魚之字奚必則設虫魚是
則國邑之名古之從邑者甚少今也不原其始而謂邾

予以是知文士棘祗棘據之改為棗非避仇也世之
避翼祖諱者析其字以為文苟二氏而不知翼祖之諱
不從苟不從文也昔者魯之公索氏將祭而忘其姓人
以是龜其必亡而隨之文帝惡隨之從是乃去其是以
為隋不知隋自音妄隋者尸祭鬼神之物也守桃既祭
則藏其隋亦云饜殺裂落肉之名也卒之國以隋裂而
終則書名之講其禍如是然則君子可不知所戒哉

路史

氏族博攷卷一

欽定四庫全書

氏族博攷卷二

明 凌迪知 撰

氏攷 上

同源異派第一

唐氏有二堯之後為唐周以封晉此晉之唐也伊祁姓
燮父之後封于唐為楚所并此楚之唐也姬姓

虞氏有二姚姓之虞舜後也姬姓之虞仲雍之後也

夏氏有二夏后之後以國為氏陳宣公之子子夏之後以字為氏

商氏有二成湯之後為商衛鞅封商君其後亦為商

周氏有五后稷之後為周氏又姬氏唐先天中避諱改為周氏又暨氏上元中淮制改為周氏又代北賀魯氏普氏後魏竝改為周氏

秦氏有三秦國有秦氏魯有秦邑亦為秦氏秦非是也楚又有秦商

燕氏有二有姬姓之燕有姑姓之燕

管氏有二叔鮮之後以國為氏出自文王又齊管衡出自穆王

畢氏有二畢公高之後為畢後魏出連氏改為畢

于氏有三周武王之子邾叔之後或去邑為于氏後魏萬紐于氏改為于又淳于氏避唐諱改為于

胡氏有二周之胡國為胡氏後魏紇骨氏亦為胡氏

齊氏有二太公之後以國為氏衛大夫齊子之後以字

為氏

楚氏有二鬻熊之後以國為氏魯林楚之後以名為氏
陳氏有四舜之後以國為氏也又白氏隋初改為陳此
萬年之陳也又魯相無子以外孫劉矯嗣此廣陵之陳
也又侯莫陳之後亦改為陳氏

朱氏有三和子之後去邑為朱又渴燭渾氏可朱渾氏
竝改為朱

婁氏有二和婁之後也又足婁氏改為婁氏

兒氏有二郎氏去邑為兒又賀兒氏亦改為兒

越氏有三勾踐之後以國為氏又有越彊氏改為越氏
又有越質詰氏改為越氏

薛氏有三奚仲之後以國為氏又叱干氏改為薛又有
遼西薛氏

沈氏有二沈子逞之後以國為氏又莊王之子公子正
封於沈鹿其後以邑為氏

徐氏有二若木之後以國為氏又一族出於黃帝十四

姓

云氏有二邛國之後去邑為云又後魏牒云氏改為云
禹氏有二邠國去邑為禹又夏禹之後以名為氏

宿氏有二風姓之後以國為氏又有宿六斤氏改為宿
羅氏有二妘姓之後以國為氏又有叱羅氏改為羅

夔氏有二熊摯之後以國為氏又天竺亦有夔氏

夷氏有四夷說諸之後為夷氏又逸民夷逸齊大夫夷
仲年邾大夫夷射姑之後皆以名字為氏

須氏有二密須之後為須須句之後亦為須

黎氏有三子姓之後以國為氏又齊大夫黎彌且以邑為氏又後魏素嵇氏改為黎氏

申氏有二姜姓之後以國為氏又楚之申邑申公居之以邑為氏

向氏有二祁姓之後以國為氏又宋公子盼字向以字為氏

葛氏有三嬴姓之後以國為氏又葛天氏之後亦為葛

氏後魏賀葛氏改為葛

權氏有二頡帝之後楚王滅權子孫為權氏又關緡尹
權因以為氏

會氏有二鄆國去邑為氏又會邑之後亦為會氏

辛氏有三革氏訛為辛又計然本姓辛又周有項亶賜
姓辛氏

呂氏有五姜姓之後以國為氏又晉有呂氏出於魏氏
又叱丘氏副呂氏叱呂氏竝改為呂

戴氏有二戴國為鄭所滅子孫以國為氏又宋戴公之後亦為戴氏

譚氏有二子爵以國為氏又巴南六姓有譚氏

冀氏有二冀國之後以國為氏晉滅冀以為邑却氏食之為冀芮子孫以邑為氏

顓臾氏有三伏羲之後封顓臾子孫以國為氏又去顓為臾氏或去臾為顓氏

鬲氏有二有鬲之國以國為氏又商人膠鬲以名為氏

顧氏有二顧國夏商諸侯也又勾踐之後別封顧余以邑為氏

共氏有三共者商之侯國也其後以國為氏鄭公子段曰共叔晉太子申生曰共君以謚為氏

廖氏有二風俗通云廖叔安之後或言周文王小伯廖之後

龔氏有三恭國籀書作龔又晉大夫龔其堅之後也又漢邑郡蠻酋有龔氏

梁氏有二伯益之後封於梁以國為氏又有拔列蘭氏改為梁氏夷姓也

洪氏有二共氏改為洪氏又豫章弘氏避唐明皇諱改為洪氏

彭氏有二代彭之國為彭氏祝融之後八姓亦有彭氏者

祭氏有二周公之後以國為氏又鄭有祭邑祭仲是其後也

蘇氏有二祝融之後陸終生昆吾封於蘇以國為氏又拔畧氏改為蘇氏

毛氏有二毛伯聃之後以國為氏又有北狄之族世為酋長

樊氏有二仲山甫食采於樊因邑命氏又商七族有樊氏

劉氏有五堯之後有劉累為劉氏成王封王季之子於劉邑亦為劉漢賜項氏婁氏竝為劉氏又匈奴之族從

母姓劉

欒氏有二晉欒賓之後姬姓也以邑為氏齊子欒之後姜姓也以字為氏

路氏有四路子爵晉滅之以國為氏又黃帝封其支子於路又姬姓帝摯子玄元堯封於中路歷虞夏稱侯子孫以國為氏又沒路真氏改為路

荀氏有二荀本侯國也又晉荀林父以邑為氏

丙氏有二邠豫之後或去邑作丙又李陵降匈奴裔孫

歸魏也丙殿因賜氏焉

緱氏有二周卿士食采之邑以邑為氏又渴侯氏改為緱氏

為氏有二遠章之後亦作為以邑為氏晉士為之後以字為氏

孫氏有三衛公子惠孫之後以字為氏又楚為芊姓之孫齊有媯姓之孫皆以字為氏

續氏有二晉大夫狐鞠居食采於續故謂之續又舜七

友續牙之後

南氏有三衛公子郢字子南其後為南氏又楚有子南氏亦為南氏竝以字為氏晉有南氏以鄉為氏

國氏有二鄭子國之後以字為氏姬姓也齊有國氏姜姓也

孔氏有三宋孔父嘉之後也仲尼父嘉六世孫又衛有孔氏為世卿鄭亦有孔氏皆以字為氏者

東陵氏有二東陵侯邵平子孫代焉又齊景公時有隱

居東陵因以為氏

董氏有二董父之後以字為氏又有陸終之子參胡姓董以姓為氏

費氏有二夏禹之後封費邑以邑為氏又費廉氏改為費氏

成氏有二楚若敖之後以字為氏又周有成氏

孟氏有二魯慶父之後為孟氏又衛公孟縶之後亦為孟氏

仲氏有二魯慶父曰共仲之後為仲氏又宋莊公之子
子仲之後亦為仲氏

祁氏有三晉獻公孫英食采于祁遂以為氏又隰叔之
後又黃帝後

叔氏有四魯叔牙之後魯文公之子叔盼之後八凱叔
達之後竝以叔為氏

步氏有二姬姓晉公族却氏之後又步陸氏改為步氏
季氏有二魯公子季友之後也又陸終之子季連亦為

季氏

伯氏有二晉中行伯之後也或言伯益之後亦為伯氏
士氏有二隰叔為晉士師以官為氏又有士季氏之後
以字為氏

渠丘氏有二莒國之君居于渠丘故謂之渠丘又漢彭
城王之後亦為渠丘

王氏有四有姬姓之王有媯姓之王有子姓之王有夷姓
之王二族姬姓之王媯姓之王有一族子姓之王有一

族夷姓之王有四族

任氏有三黃帝二十五子得姓為任者其後以姓為氏
又顓帝少子陽封於任其後以國為氏又任為風姓之
國太昊之後也亦以國為氏

諸葛氏有二葛伯之後居諸縣謂之諸葛又有熊氏之
後為詹葛氏齊人語訛以詹葛為諸葛

偃氏有二有偃氏之國後為偃氏又皐陶之後姓偃亦
以姓為氏

宣氏有二魯叔孫僑如諡宣伯與宋宣公之後並以諡為氏

稷氏有二后稷之後有稷氏漢稷嗣君叔孫通支孫亦為稷氏

溫氏有二唐叔虞之後封溫以封為氏又溫恩氏改為溫氏

楊氏有六唐叔虞之後封楊以封為氏又周宣王子尚父封後為氏又周景王之後又晉之公族楊食邑於羊

舌凡三縣一曰揚氏又楊突周賜姓獨孤氏隋復本姓
又有莫胡胡盧氏改為楊氏

州氏有二晉州緡州賓之後又淳于氏謂之州公其後
亦為州氏

鄂氏有二晉鄂侯之後又巴郡七姓鄂其一也

元氏有五衛大夫元咺之後食邑於元以邑為氏又拓
跋氏云黃帝子昌意之後至魏文帝更為元氏又紇骨
氏改為元氏又有是云氏改為元氏又有景氏改為元

氏

常氏有二衛康叔支孫食邑於常因以為氏又黃帝臣
常先之後

京氏有二鄭武公少子改封於京以邑為氏又李氏改
為京氏

盧氏有六齊太公之後食采於盧以邑為氏又有盧葛
氏出自桓公亦為盧氏又河南官氏志有莫盧氏改為
盧又有范陽雷氏聲近改為盧又有三原閭氏改為盧

氏又章仇大翼隋煬帝賜姓盧氏

鮑氏有三夏禹之後食采于鮑以邑為氏又俟力氏改為鮑義俟力代氏亦為鮑

屈氏有二屈瑕食邑於屈以邑為氏又屈突氏改為屈氏

陰氏有三夷吾六代孫為陰大夫以邑為氏又陰康代之後又後周賜姓丘曰陰氏

鹿氏有二趙大夫食采五鹿因氏又阿鹿元氏改為鹿

氏

裴氏有三伯益之後封裴鄉以鄉為氏又晉平公封顓
帝孫於裴中號裴君子孫以為氏又唐開元右驍衛大
將軍疎勒王裴夷健之後

陸氏有三田敬仲之後封平原陸鄉以鄉為氏又代北
有部落大人號步陸孤氏後魏孝文遷洛陽改為陸氏
麋氏有二楚大夫受封於南陽麋亭以亭為氏又工尹
麋之後以名為氏

嵇氏有二夏少康封子季舒於會稽遂為稽氏漢初改為嵇氏又統嵇氏改為嵇氏

關氏有二風俗通云關令尹喜之後又云夏大夫關龍逢之後

丘氏有三太公都營丘支庶以地為氏又有丘林氏丘敦氏竝改為丘氏

艾氏有二大夫艾孔之後又河南官氏志艾斤氏改為艾氏

申屠氏有二申侯之後居安定屠原以地為氏又申徒氏隨音改為申屠氏

門氏有四周禮公卿之子入王端門教以六藝謂之門子其後為氏又河南官氏志有叱門氏改為門氏又有吐門氏改為門氏又有庫門氏改為門氏

姜氏有二炎帝生於姜水因生為姓其後太公封於齊子孫以國為氏或以姓為氏又桓廷昌上元中准制改為姜氏

無婁氏有二莒子無婁之後又無婁先生之後亦為氏
如氏有二伯鯨之姓又官氏志如亦改為似又渴侯氏
改為如氏

漆氏有三郎瞞之國姓漆又為氏又漆室女之後又漆
雕開後亦單為漆氏

林氏有三周平王庶子林開之後因以為氏又比干子
堅逃長林遂為氏義丘林氏改為林

家氏有二家父之後以字為氏又魯有子家氏亦為家

氏

吉氏有二尹吉甫之後又姑氏改為吉氏

奇氏有二伯奇之後以王父字為氏又河南官氏忠奇
斤氏改為奇氏

胥氏有二晉大夫胥恒之後以字為氏又赫胥氏之後
亦為胥氏

石氏有二靖伯之孫石蜡有功於衛世為衛大夫其後
以字為氏又烏石蘭氏改為石氏

靈氏有三宋大夫子靈之後又文公之子公司子圍龜字子靈以字為氏又齊靈公之後皆以字為氏

乙氏有二商湯字天乙支孫因以王父字為氏又河南官氏志乙弗氏改為乙氏

賀氏有三即慶氏也漢慶質避諱既為賀氏又賀蘭氏賀賴氏並改為賀氏

顏氏有二邾夷父字顏公子孫以為氏又王儉譜云顏氏出自魯侯伯禽支庶食采顏邑因氏焉

潘氏有二楚之公族以字為氏又破多羅氏改姓潘氏
昊氏有二昊英氏之後一云少昊之後

甲氏有二太甲之後又鄭大夫石甲之後

龍氏有二舜臣龍為納言以名為氏又董父已姓以能
畜龍故賜氏為豢龍氏子孫以為氏

輿氏有二周大夫伯輿之後以王父字為氏又莫輿氏
改為輿氏

晁氏有二周景王子王子朝之後又衛大夫史晁之後

狐氏有二周平王之子王子狐之後以名為氏又唐叔
之後世為晉卿

萬氏有三畢萬之後以名為氏又芮伯萬之後又吐萬
改萬氏

蘭氏有三鄭穆公名蘭以王父名為氏又南匈奴四姓
有蘭氏又河南官氏志烏蘭氏改為蘭氏

高氏有四公子高之後以名為氏又惠公之子析字子
高亦為高氏又高麗羽真氏改為高氏又是婁氏改為

高氏

駱氏有二齊太公之後公子駱以名為氏又地駱拔氏改為駱氏

奚氏有二奚仲之後又薄奚氏改為奚氏

督氏有二宋大夫華督父之後以名為氏又巴郡蠻酋有督氏

和氏有二義和之後以名為氏又後魏素和氏改為和氏

由氏有二由余相秦子孫氏焉又楚王孫由丹亦為由氏

渾氏有三渾良夫之後又官氏志吐谷渾氏改為渾又唐表渾氏出自匈奴渾邪王隋拓跋氏徙河南因以為氏

狼氏有二晉大夫狼暉之後又官氏志叱奴氏改為狼氏

顛氏有二晉大夫顛頡之後又周太顛之後

柯氏有二吳公子柯廬之後又河南官氏志柯拔氏改為柯氏

苟氏有二黃帝之後有苟實苟參或以河內多苟杞因以為氏又若干氏改為苟氏

古氏有二古公亶父之後又吐奚氏改為古氏

左氏有二齊公族有左右公子因以為氏楚有左史官亦為左氏

單氏音丹有三可丹氏改為單氏又阿單氏渴單氏俱

改為單氏

雲氏有二縉雲氏之後又連宥氏改為雲氏

烏氏有三少昊氏以烏鳥名官以世功命氏又唐表言
烏餘之裔又烏石蘭改為烏氏

史氏有二周大夫史佚之後以官為氏又有阿史那氏
改為史氏

山氏有三周山師掌山林之官以官為氏又烈山之後
又吐難氏改為山氏

寇氏有三周蘇忿生為司寇子孫以官為氏又衛康叔
為周司寇支孫以官為氏又後魏改四引氏為寇氏
宗氏有二周大夫宗伯之後以官命氏又楚少子宗家
於南陽以王父字為氏

衡氏有二伊尹為湯阿衡子孫以衡為氏又魯公子衡
之後以王父字為氏又袁氏改為衡氏

阿氏有三伊尹為阿衡支孫以官為氏又河南官氏志
阿伏氏及阿賀氏並改為阿氏

庫氏有二漢倉氏庫氏以官為氏又官氏志庫偁官氏改為庫氏

僕氏有二周禮僕人之後又河南官氏志僕蘭氏改為僕氏

皇氏有三皇之後因氏焉又世本云皇甫克石之後以字為氏

侯氏有三魯侯緡之後子孫適他國稱侯氏以爵為氏又夏后氏之裔又古列氏改為侯氏

陶氏有三陶唐氏之後因氏焉又虞思為周陶正亦為陶氏又左傳商人七族有陶氏

卜氏有二周禮卜人氏又須卜氏改為卜氏

竇氏有二少康之後逃出自竇而少支孫以竇為氏又鮮卑賜姓訖豆陵氏後魏孝文改為竇氏

車氏有二田千秋號車丞相子孫氏焉又後魏疎屬曰車視氏改為車氏

桓氏有二齊桓公之後以諡為氏又宋桓公之後向雕

亦為桓氏又烏丸氏改桓氏

穆氏有二宋穆公之後以諡為氏又有丘穆陵氏改為
穆氏

宣氏有二叔孫僑諡宣伯以諡為氏又宋宣公之後
靖氏有二單靖公之後以諡為氏又齊田氏之族靖郭
君之後

公孫氏有二春秋時諸侯之孫亦以為氏者曰公孫氏
又黃帝姓公孫因亦以為氏

利氏有二楚公子食采於利後以為氏又官氏志叱利氏改為利氏

木氏有二端木賜之後避仇改為木氏又百濟八姓其五曰木氏

賜氏第二

周穆王使造父攻徐偃王破之乃賜以趙國由此為趙氏

婁氏漢婁敬勸高帝都長安封為奉春君賜姓劉氏

項氏漢賜劉氏後周賜辛氏

酈食其曾孫漢賜以食其為氏玄孫武平帝時為侍中
復改侍其

漢金日磾七世內侍本以休屠作金人祭天故賜為金
氏

晉州稽胡晉初賜呼延氏

獨孤屯本姓李從齊神武沙苑戰敗為柱國獨孤信所
擒配為士伍賜獨孤氏

高獲自高麗歸魏周賜姓獨孤氏

章仇禿髮氏歸後魏太武賜源氏

後周蔡祐字承先陳留圉人有膂力善騎射太祖以其

戰功賜姓大利稽氏

三國典畧

范陽董秦大厯賜姓李氏

章仇大翼善天文隋煬帝賜盧氏

唐李勣本姓徐後賜姓李封英國公又李抱玉本姓安

名重璋元宗以其戰河西有功改名賜姓李

王簡為鎮小將鎮州軍亂殺田弘正穆宗為之旰食
王簡問計簡極言利害願自效明年拜橫海節度使賜姓
李氏名全畧

唐遊藝賜武氏

唐邴氏以元絃杜氏以伏威胡氏以大恩弘氏以播郭
氏以子和麻氏以延昌鮮于氏以叔明安氏以元諒張
氏以寶臣阿希布氏以懷孫跌氏以光進舍利氏以奉
國董氏以忠臣羅氏以德雋以藝朱邪氏以國昌竝由

立功賜李氏從國氏也

宋李繼俸賜名趙保忠李繼遷賜名趙保吉後叛宋改本姓

本朝太祖有義子數人如李曹國文忠沐西平英都督何文輝徐司馬等皆賜朱姓正德五年義子武德

一姓裴

七年都督錢寧錢安許國賜朱姓又賜都督朱福朱綱都指揮朱春朱翥朱增朱斌朱政朱海朱岳朱昇朱晟朱彪朱鏞朱鈐指揮朱欽等千百戶鎮撫旗舍朱

欽等百二十人姓十二年賜舍人朱山朱準朱容朱淮
朱渭朱欽朱義朱大爵朱印朱珂姓俱錦衣衛食糧尋
詔都督江彬許泰劉暉張洪神周李琮指揮焦睿俱賜
朱姓又改指揮楊瑄曰璋焦春曰棕桂曰松張天祐曰
海廷鸞曰璧俱朱姓

太宗時賜降人姓名都督丑驢曰李賢忠勇王也先土
干曰金忠安順侯脫火赤曰薛貴清平侯買驢曰吳成
忠勇伯把台曰蔣信都督把都帖木兒曰吳允關論都

兒灰曰柴秉誠把敦杭曰吳守義都指揮僉事把住曰楊效誠朶兒只曰馬惟良鐵住曰柴克恭行都指揮同知滿宋兒灰曰柴志誠都指揮僉事阿克刺台曰楊汝誠指揮伯帖木兒也曰柴志敬指揮同知猛歌曰安汝敬僉事脫脫曰楊必敬只蘭曰吳克誠朶列子曰吳存敬失夫答曰韓以謙祖住不花曰柴永謙

改氏第三

段氏干木之子隱如入關去干字改為段氏

漢車千秋本齊田氏千秋以年老得乘小車出入省中
時人謂之車丞相子孫遂為車氏

嵇康本奚氏後康易而為嵇

漢訾順本姓祭以為不祥改為訾

晉元達字長宏本姓喬以生日妨父故改為陳

唐源乾曜本秃髮偁檀之子賀入後魏魏太祖謂之曰
與卿同源可為源氏乾曜其後也

赫連勃勃曰朕之皇祖自北遷幽朔姓改如氏音殊中國

故後從母氏為劉子從母姓非義也朕將以義易之帝
王者繫天為子今改姓曰赫連氏庶協皇天之意其非
正統皆以鐵伐為氏庶朕宗族子孫剛銳如鐵皆伐人

三十國

春秋

康居王姓溫月氏先是張掖祁連山北昭武城為突厥
所破南依蔥嶺遂有其地枝庶皆改姓昭武示不忘本

也唐書

尚可孤宇文之別種也代居松漠之間上元中歸順累

遷左右畏威二大將軍

魚朝恩後禁軍愛其勇力甚委遇之奏改姓魚氏

唐書

桓庭昌唐上元准制改為姜

暨佐時唐上元准制改為周

媯氏改為姚氏

袁氏改為衡氏

裴氏改為墨氏

姁氏改為吉氏

羊舌氏改為吉氏

姁氏改為羊氏

閻氏改為盧氏

計然本辛氏改為計氏

如氏改為似氏

稽氏改為嵇氏

求氏改為裘氏

景氏改為元氏

賁氏改為封氏

氏氏孔融譌氏儀以氏字民無上改為是氏

是光改為齊氏

梁鴻氏改為運期氏

馬矢氏改為馬官氏

魏全琮孫暉食封白水改為泉氏

渾沌氏改屯氏去水

屈全之裔孫仕後魏以自南方乃改南或作男

謝服為鴻臚卿後漢末出征嫌其名姓不祥乃改為射

咸

京房本姓李吹律定姓改為京氏

劉遵考以忠諫比伍員改為員猶有源流可攷逃難山谷強氏曰潛遂失本姓一姓改為數姓者如吳橫四子守墳墓者為吳居徐者為吞居幽者為桂居華陰者為快此四姓同一吳也

勾姓本避高宗諱勾濤則仍字更音鈎光祖則加金鈎
紡則加絲諶則加草句思則加易字勾龍如淵則加龍
此六姓同一勾也

本朝洪武初改元南臺大夫福壽子為陳鑄歷太僕寺
少卿

改惡氏第四

蕭氏齊武帝以巴東王子響叛逆改為蛸氏
馬氏以何羅逆誅馬后惡之改為莽氏

唐則天時琅瑯王冲據博州起兵冲父豫州刺史越王
貞又舉兵於豫州與相應討平之改姓為虺氏

梟氏隋煬帝誅楊玄感改為梟氏

勃氏梁武帝改豫章王綜為勃氏

黥氏淮南王英布少時以罪被黥遂為黥氏

蝮氏唐乾封元年改武惟良為蝮氏

吳孫皓以孫秀奔魏改為厲氏

劉誕謀逆貶為留氏

唐高宗廢后王氏及良娣為武后所殺改后姓為蟒良娣為梟

帝王姓系第五

堯姓初其後為唐為劉為韋為范為士為尹為豕韋唐杜舜姓姚其後為媯又為陳為田為穰為威為法為王為袁為轅為占為息為陸為司馬為胡母為顓孫子獻子鞅子芒子尚子禽子輿子寤子沮子夏子宋第二第五第八禹姓姒其後為夏為啓又為杞為嵇為夏侯為

於越為獯鬻湯姓子其後為商為殷為湯為甲為沃為
槐又為宋為箕為正為祿為乙為與為微為衍為華為
孔為靈為邈為向為合為牛為樂為皇甫為事父武王
姓姬其先為稷為鞠其後為管為周為林為忌為祭為
謀為毛為邢為胙為茅為樊為甘為王為原為邸為霍
為朝為狐為謝為丘為聃為郛為雍又為魯為臧為邱
為孟為叔為季為展為柳為施為衆為家為士為孟孫
為叔孫為季孫為臧孫為瑕丘為公父為公之為公石

為少施為子服為子陽為子家為王父為子揚為子孟
為子我為子仲為意如為南又為晉為邛為應為韓為
欒為卻為苦為溫為祁為犢為曲為步為荀為別為中
行為智為輔為續為羊舌為叔向為樓季為大戊為大
析為梁其為夷吾又為衛為甯為元為常為汲為孫為
彌為析為右為南為輒為兼為子郢為王孫為賈孫為
公析又為畢為原為酆為邠為馮為魏又為蔡又為吳
為壽為李為慶忌為延陵又為鄭為段為游為國為馬

為印為罕為良為羽為豐為蘭為然為伯有為子豐為
子然為去疾為東里又為虞又為曹又為滕又為號又
為台為燕又為韓為橫為蘭為龐為閻為梁垣為董明
為子臧

齊姜姓亦呂其後為隰為望為尚為桓為懿為厲為孝
為崔為慶為賀為盧為棠為檀為丘為高為柴為駱為
左為將具為子旗為子乾為子工為子泉為子閔為子
雅為子尾為大陸為雍門為東郭為於陵閔 三苗

楚芊姓其後為鬻為熊為成為關為班為潘為囊為關
為昭為屈為景為俞豆為若敖為伯比為子西為子庚
為子趙為子期

秦嬴姓其後為衙為李為裴為桑為繆為樗里為飛廉
為高陵其別為莒為葛為趙為馬為主父為叔帶此僅
二帝三王五伯之後其他可以類推矣後世之議婚者
寧能不相犯也

五帝三王自黃帝至舜禹皆同姓而異其國號以章明

德故黃帝為有熊顓帝為高陽帝嚳為高辛帝堯為陶
唐帝舜為有虞禹為夏后而別姓姒氏契為商姓子氏
稷為周姓姬氏

史舜
紀

氏族博攷卷二

欽定四庫全書

氏族博攷卷三

明 凌迪知 撰

氏攷中

漢魏受氏第六

按成周以國命氏漢則稱郡國者亦有之

楚元王交之子劉富初封休侯更封紅侯其後遂為紅

氏

楚懷王孫心都柳其後遂為柳氏番

音婆

氏因吳芮封番

君支孫氏焉櫟陽氏後漢景丹封櫟陽侯曾孫分避

亂隴西因封為氏周陽氏漢淮南王舅趙兼封周陽侯

子由為河東尉因封為氏東陵氏因卽平之封子孫遂

以為氏廣武氏因李左車之封子孫遂以為氏冠軍氏

者因霍去病之封也信都氏者因張敖之封也武彊氏

者因後漢王梁之封也鄆氏者姓苑云鄆春侯之後鄆

氏者姓纂云越人以郡為姓今明州鄆縣是也如此之

類是為以郡命氏者也

春秋之時冀芮居冀地潁考叔居潁谷介之推燭之武
竝以地命氏者漢四皓亦然如綺里季居於綺里也其
後有綺氏亦有角里氏角里先生居於角里也其後有
角氏亦有角里氏少康之後漢初徙居嵇山遂為嵇氏
後漢鮭陽鴻為少府居鮭陽遂為鮭音圭氏如此之類漢
亦多矣是為以地命氏者也

成周以邑命氏漢魏亦有之揭陽氏者因漢功臣安道

侯揭陽定為揭縣令因氏為泉氏因全琮之孫暉魏封南陽侯食封白水改為泉氏如此之類是為以邑命氏者也

三代之時貴者有氏賤者有名無氏按漢郊祀志汾陰人無錦粵人勇之是亦有名無氏者蓋錦為工技之賤勇之為蠻夷之賤也

按亡氏之賤漢亦有之受氏之道漢魏有傳略載一二以備考古漢魏之後無所聞惟用古姓氏耳

變易第七

賀魯之為周

賀葛之為葛

是婁之為高

叱盧之為祝

口引之為冠

如稽之為緩

去斤之為父

是賁之為封

叱奴之為狼

吐難之為山

古引之為侯

出連之為里

乞扶之為扶

那婁之為婁

是連之為連

俟畿之為俟

可單之為單

紇骨之為骨

皆盧之為皆

莫千之為卻

屈突之為屈

俟亥之為亥

俟畿之為畿

賀兒之為兒

叱利之為利

叱李之為李

柯枝之為柯

叱羅之為羅

那莫之為莫

莫輿之為輿

費連之為費

費羽之為羽

黜弗之為弗

莫盧之為盧

爾綿之為綿

解毗之為解

奇斤之為奇

統萬之為萬

統嵇之為嵇

安遲之為安

輶遲之為展

秘邛之為邛

如羅之為如

薄奚之為古

若干之為苟

副呂之為副

那婁之為婁

綦連之為綦

咎盧之為咎

姒先之為姒

渴侯之為紙

烏蘭之為蘭

薄奚之為奚

幸和之為和

拔略之為蘇

紇干之為干

乙弗之為乙

渴侯之為緱

渴侯之為似

丘林之為林

步鹿之為步

屋引之為房

車焜之為車

牒云之為云

素稭之為黎

達勃之為褒

普周之為周

高護之為李

叱于之為薛

茂眷之為茂又為眷

莫蘆之為蘆或為盧

丘林之為林又為丘丘敦亦為丘

副呂之為副又為呂叱丘亦為呂

就賴之為就菟賴亦為就

溫狐之為溫溫盆亦為溫

阿伏之為阿阿賀亦為阿

紇單之為紇紇奚亦為紇

羽真之為高楚婁亦為高

是云之為是是奴亦為是

蓋婁之為婁足婁亦為婁

俟力之為鮑俟力代亦為鮑

烏丸之為桓阿鹿桓亦為桓

可地之為延可地延亦為延

俟奴之為俟俟伏斤亦為俟

費羽之為羽拂羽亦為羽

黜弗之為弗燕弗亦為弗鐵弗亦為弗

吐門之為門叱門亦為門庫門亦為門

拓跋之為元紇骨亦為元是云亦為元景氏亦為元

阿單之為單渴單亦為單

悉雲之為雲宥連亦為雲

賀蘭之為賀賴氏亦為賀

右二字

吐谷渾之為渾

俟呂隣之為呂

沒鹿回之為竇紇豆陵亦為竇

萬紐于之為于勿怛于亦為于

斛瑟羅之為羅破多羅亦為羅

溫石蘭之為石烏石蘭亦為石又為烏

步六孤之為陸丘穆陵之為穆

阿伏干之為阿普陋茹之為茹

拔列蘭之為梁烏落蘭之為蘭

宿六斤之為宿庫若干之為干

扈地干之為扈俟伏斤之為斤

地駱拔之為駱

郁原甄之為甄

若口引之為冠

破多羅之為潘

破落那之為那

步鹿如之為鹿

阿史那之為史

沒路真之為路

譬厯辰之為辰

紇突隣之為隣

骨咄祿之為祿

大利稽之為邨

俟力代之為俟

大洛稽之為稽

俟伏斤之為伏

壹斗卷之為明

步鹿斤之為步

獨孤渾之為杜

樹洛于之為樹

庫褥官之為庫

奚什盧之為盧

莫胡盧之為陽

渴燭渾之為朱

右三字

按代北之人隨後魏遷河南者後魏獻帝為之定姓為
複姓或為三字姓或為四字姓其音多似西域梵書有
二合三合四合者皆指一字之音故孝文皆改為單字

之姓又孝文詔南遷者死不得還即葬洛陽故夷姓皆在河南又按其書曰河南官氏志者蓋優代北之人隨後魏南遷因作其書而為之志又按孝文之時咸改單姓惟賀若氏不改及乙旃氏改為叔孫拔枝氏改為長孫

變易第八

閻慶之為大野氏

辛威之為普屯氏

韓裒之為俟呂隣氏

李弼之為徒何氏

田弘之為紇干氏

王雄之為可頻氏

王熊之為柘王氏

蔡氏之為大利稽氏

陰氏之為丘目陵氏

張氏之為叱羅氏

侯氏之為侯伏氏又為賀屯氏

周氏之為車非氏

南氏之為宇文氏

按後周宇文氏以其起於北夷故欲變從其國俗然官制乃一遵三代何相反之如是也

別族第九

魯季氏自季孫行父以至季孫彊大宗也故稱季孫如
季公鳥季子差季寤之類但稱季者所以別支庶叔氏
之大宗亦稱叔孫其支庶稱叔仲氏又曰仲壬孟丙亦
是也

仲氏之大宗亦稱仲孫氏其支庶則稱南宮氏南氏
席氏

臧氏之大宗稱臧氏至於臧會氏臧文氏皆支庶有別
系其所自出之祖

伏宓同出伏羲氏異文者其後之人以別族也

傅餘氏者傅氏餘子之族也

韓餘氏者韓氏餘子之族也

褐餘氏者褐冠氏餘子之族也

成湯之後為殷氏又有北殷氏

后稷之後為周氏又有西周氏又有周生氏

舒氏之族見於當時者一曰舒二曰羣舒三曰舒蓼四

曰舒庸五曰舒鳩六曰舒鮑

斟氏之族見於當時者一曰斟二曰斟鄩三曰斟灌四曰斟戈五曰介斟

荀氏之族見於後世者有田氏有程氏有輔氏有智氏田氏之族見於後世者有第二有第五有第八

顓臾之族三有顓臾有去臾為顓有去顓為臾密須之族三有密須有去須為密有去密為須

葛氏居於諸邑者為諸葛

里氏居於相城者為相里

目夷氏宋公子目夷字子魚又有魚氏魚孫氏皆所以別族

避諱第十

宋以武公名司空改為司功氏

晉以僖侯名司徒改為司城氏

籍氏出安定避項羽諱改為席氏

顓氏避漢元帝諱改為盛氏

莊氏避漢明帝諱改為嚴氏

慶氏後漢侍中慶純避安帝父諱改為賀氏

師氏避晉景帝諱改為帥氏

姬氏避唐明皇諱改為周氏

弘氏避唐明皇諱改為洪氏

淳于氏避唐憲宗諱改為于氏

啖氏避唐武宗諱改為澹氏

恒氏避宋諱改為常氏

閩人避王審知諱沈氏去水而為尤氏

文潞公本姓敬其曾大父避石晉高祖諱更姓文至漢復姓敬入宋避翼祖諱又更姓文

音訛第十一

陳氏為田氏 韓氏為何氏 黨氏為掌氏

歐氏為區氏 戴氏為載氏 蠻氏為瞞氏

號氏為郭氏 呂氏為甫氏 郊氏為談氏

姒氏為似氏 苦氏為庫氏 雷氏為盧氏

恭氏為共氏 共氏為洪氏

王孫賈之後亦為古孫氏者賈亦近古故也

苦成子以成子食苦邑故以為氏後訛為古成又為庫成

慕容氏為慕輿氏

賀遂氏為賀悅氏

夫餘氏為鳧吏氏

吾丘氏為虞丘氏

毋丘氏為曼丘氏

申徒氏為申屠氏

申屠氏古者申信音同為信都氏

鄆氏為繒氏

穆氏為繆氏

瞻葛氏為諸葛氏

簡雍本姓耿幽州人以耿為簡遂為簡氏

南中多危姓有忘其稱者或改為元

郭林宗其先出自周王季建國命氏訛謂之郭

魏初莫護跋率部落入居西遼時燕代多冠步搖諸部
因謂之步搖後音訛為慕容且以為氏

唐辛替否本夏啓封支子於辛辛辛相近為辛氏

王莽嘗曰余黃虞之後也故號其女曰黃皇室主黃王

聲相近故俗稱王為黃

有因二音而訛者員音運俞敕救反葉音攝今從正音甄音堅宣和唱名以堅呼之不應訛為真矣

省文第十二

郭之為章 邠之為丙 邾之為來 郭之為專

邠之為尋 邠之為呂 邠之為后 邠之為會

邠之為禹 邠之為云 邠之為曾 邠之為兒

邠之為朱 邠之為成 邠之為旬

俱去邑

幕之為莫去 巾橋之為喬去 木理之為里去 譚之為覃去 言熊

之為能去 火

省言第十三

盧蒲之為盧 閭丘之為閭 即墨之為即

鍾離之為鍾 馬服之為馬 褚師之為褚

毋丘之為毋 司寇之為寇 宗伯之為宗

褐冠之為冠 主父之為主 須句之為須

須句之為句

避仇第十四

端木賜之後改為木氏又改為沐氏

墨台之後改為墨氏又改為怡氏

刁氏之後改為弔 伍氏之後改為五

巴氏之後後漢巴原避董卓難改為杷氏

鞠氏之後改為麴 譚氏之後改為覃

仇氏之後改為求 銅鞮氏之後改為逆

秘邴氏之後改為邴 滕氏之後改為騰

秣氏之後改為末

陸氏之後改為褥

郤氏之後改為浩

縣氏之後改為既

昨氏之後改為作

杞氏之後改為枹

彤氏之後改為彤

樓氏之後改為蓋

薛氏之後改為蘄

棘氏之後改為棗

景氏之後改為翠

凡氏之後改為汎

鮮卑氏之後改為庫狄

共氏之後改為洪

圜氏去口改為卷氏

章氏避仇為仇章氏

竺晏本姓竹避仇加二改竺氏

疎氏避王莽之難去足為東氏又云疎廣之曾孫彥避王莽於太原改為太傅氏

姚氏田恢避莽難改為媯氏五代孫敷復為姚氏

牛金之子避難改為牢又改寮後復為牛氏

慕容氏破後種類仍繁懼誅不敢復姓皆以興為氏

按避仇之說多非或省文或訛音何必為避仇也據皇甫謐云凡氏遭秦亂避地漆水為汎氏此何所憑哉凡

氏者凡伯之後以國為氏汎者周之邑也其大夫食邑
於此其後之人以邑為氏自是兩家源流應知避地改
姓之說多附會然疎廣之後為束為太傅牛金之後為
牢為祭此又為避地之事明矣

生而有文第十五

武氏唐元和姓纂云周平王少子生而有文在手曰武
遂以為氏

鞠氏后稷之孫生而有文在手曰鞠因以為氏

南氏姓源韻譜云盤庚妃姜氏夢龍入懷孕十二月而生手把南字長封荊州號南赤龍

鮮于氏鮮于血脉譜云子他之子曰文生而有文在手左曰魚右曰羊及長封漁陽為燕附庸

閩氏唐表云昭王少子生而有文在其手曰閩康王封於閩城按左氏謂季友生而有文在其手曰友因以命之每疑其誕也後人由此復廣其道焉且武者以謚為氏南氏者以字為氏鮮于者武王封箕子於朝鮮支子

仲食米於于故有鮮于氏閩氏者武王封太伯曾孫仲
奕於閩鄉故有閩氏安得無稽之言流於後世大抵氏
族之家言多虛誕博雅君子不可不審

以物為姓第十六

伯陽生於李樹下遂指李樹為姓

馬援其先趙奢為趙將能馭馬號馬服君子孫因以為
氏

第五倫其先齊諸田徙園陵多以次第為氏

陸羽不知所生或言有僧得之水濱畜之既長以易自筮得蹇之漸曰鴻漸于陸其羽可用為儀遂以陸為氏羽為名而字以鴻漸

漢有成功恢禹因禹治水成功而少子遂以為姓

有投壺氏因中行穆子相晉侯投壺而生子因以為姓子產稱鄉校為師遂曰校師氏

趙衰以冬日可愛曰冬日氏

伊尹生空桑曰空桑氏

微子乘馬入周曰白馬氏

三飯氏三飯繚之後

氏族博攷卷三